

Жолаушыларды, багажды, жүктөр мен почта жөнелтілімдерін тасымалдау жөнінде қызметтер көрсету үшін халықаралық авиамаршруттарға арналған конкурс өткізу және халықаралық авиамаршруттарға куәліктер беру қағидаларын бекіту туралы

Қазақстан Республикасы Көлік министрінің м.а. 2023 жылғы 24 қарашадағы № 93 бұйрығы. Қазақстан Республикасының Әділет министрлігінде 2023 жылғы 27 қарашада № 33683 болып тіркелді

ЗҚАИ-ның ескертпесі!

Осы бұйрықтың қолданысқа енгізілу тәртібін 4 т. қараңыз

"Қазақстан Республикасы Көлік министрлігінің кейбір мәселелері" Қазақстан Республикасы Үкіметінің 2023 жылғы 4 қазандығы № 862 қаулысымен бекітілген Қазақстан Республикасының Көлік министрлігі туралы ережесінің 15-тармағының 424) тармақшасына сәйкес, **БҰЙЫРАМЫН**:

1. Қоса беріліп отырған Жолаушыларды, багажды, жүктөр мен почта жөнелтілімдерін тасымалдау жөнінде қызметтер көрсету үшін халықаралық авиамаршруттарға арналған конкурс өткізу және халықаралық авиамаршруттарға куәліктер беру қағидалары бекітілсін.

2. Қазақстан Республикасы Көлік министрлігінің Азаматтық авиация комитеті заннамада белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрықты Қазақстан Республикасы Көлік министрлігінің интернет-ресурсында орналастыруды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Көлік вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік алпыс күн өткен соң қолданысқа енгізіледі.

*Қазақстан Республикасының
Көлік министрінің міндеттін атқарушы*

C. Аблалиев

"КЕЛІСІЛДІ"

Қазақстан Республикасы
Бәсекелестікті қорғау
және дамыту агенттігі

"КЕЛІСІЛДІ"

Қазақстан Республикасы
Қаржы министрлігі
"КЕЛІСІЛДІ"

Қазақстан Республикасы
Ұлттық экономика министрлігі

Қазақстан Республикасының
Көлік министрлік міндеттін
атқарушы
2023 жылғы 24 қарашадағы
№ 93 Бұйрықпен
бекітілді

Жолаушыларды, багажды, жүктөр мен почта жөнелтілімдерін тасымалдау жөнінде қызметтер көрсету үшін халықаралық авиамаршрутқа арналған конкурс өткізу және халықаралық авиамаршруттарға куәліктер беру қағидалары

1-тaraу. Жалпы ережелер

1. Осы Жолаушыларды, багажды, жүктөр мен почта жөнелтілімдерін тасымалдау жөнінде қызметтер көрсету үшін халықаралық авиамаршрутқа арналған конкурс өткізу және халықаралық авиамаршруттарға куәліктер беру қағидалары (бұдан әрі – Қағидалар) "Қазақстан Республикасы Көлік министрлігінің кейбір мәселелері" Қазақстан Республикасы Үкіметінің 2023 жылғы 4 қазандығы № 862 қаулысымен бекітілген Қазақстан Республикасының Көлік министрлігі туралы ережесінің 15-тармағының (424) тармақшасына сәйкес әзірленді және жолаушыларды, багажды, жүктөр мен почта жөнелтілімдерін тасымалдау жөнінде қызметтер көрсету үшін халықаралық авиамаршрутқа арналған конкурс өткізу және халықаралық авиамаршруттарға куәліктер беру тәртібін айқындайды.

2. Конкурс жолаушыларды, багажды, жүктөр мен почта жөнелтілімдерін тасымалдау жөнінде қызметтер көрсету үшін авиакомпанияны айқындау және халықаралық авиамаршруттарға арналған куәліктер беру мақсатында өткізіледі.

Халықаралық авиамаршруттарға арналған конкурс үкіметаралық келісімдерге сәйкес авиатасымалдаушылардың саны немесе рейстерді орындау жиілігі бойынша шектеу белгіленген авиамаршуттарға:

1) жаңа авиамаршруттар ашылған;
2) үкіметаралық келісімге енгізілген өзгерістерге сәйкес қолданыстағы халықаралық авиамаршрутта қосымша жиіліктер бөлінген;

3) авиатасымалдауши халықаралық авиамаршрутты пайдаланудан бас тартқан кезде босатылған жиіліктер бөлінген жағдайларда жүргізіледі.

3. Қазақстан Республикасы Көлік министрлігінің Азаматтық авиация комитеті (бұдан әрі – уәкілетті орган) халықаралық авиамаршуттарға конкурс өткізуудің үйымдастырушысы болып табылады.

4. Конкурсқа осы Қағидалардың 9-тармағында белгіленген біліктілік талаптарына сәйкес келетін авиакомпания қатысады.

5. Конкурсқа шығарылатын әрбір авиамаршрут жеке лот болып табылады.

6. Конкурстық құжаттаманы қалыптастыру кезінде тасымалдаушылардың, рұқсат етілген жиіліктердің, авиамаршрутта тасымалдау сыйымдылығының саны бойынша үкіметаралық келісімдер талаптары ескеріледі.

7. Егер конкурсқа шығарылатын халықаралық авиамаршрутқа конкурс талаптарына жауап беретін кемінде екі конкурсың қатысуши өтінім берсе, осы Қағидалардың 35-тармағында көзделген жағдайларды қоспағанда, конкурс өтті деп танылады.

8. Конкурс женімпазы (женімпаздары) жолаушыларды, бағажды, жүктөр мен почта жөнелтілімдерін тасымалдау жөнінде қызметтер көрсету үшін халықаралық авиамаршрутқа қуәлік (бұдан әрі – халықаралық авиамаршрутқа қуәлік) алады.

2-тaraу. Халықаралық авиамаршрутқа конкурсың қатысушыларға қойылатын біліктілік талаптары

9. Конкурсың қатысуға мынадай біліктілік талаптарына жауап беретін авиакомпанияларға жол беріледі:

1) Қазақстан Республикасында тіркелуі және пайдалануышы сертификатын иеленуі;

2) бір типті саны кемінде бес әуе кемесінен тұратын әуепаркінің болуы (жеке меншігінде немесе кемінде үш жыл мерзімге жалға алынған), олар уәкілетті орган белгілеген халықаралық авиамаршрутты пайдалану шарттарына сәйкес келуі;

3) пайдалану сәтінен бастап алынуы болжанатын кірісті есепке алмағанда, бір ай ішінде халықаралық авиамаршрут бойынша ұсынылған кестеге сәйкес ұшуды қамтамасыз ету үшін қажетті мөлшерде ұлттық немесе шетелдік валютадағы қаржы қаражаты болуы;

4) соңғы аудиторлық есеппен расталған тұрақты қаржылық жағдайының болуы;

5) "Салық және бюджетке төленетін басқа да міндетті төлемдер туралы" Қазақстан Республикасының Кодексіне сәйкес төлеу мерзімі кейінге қалдырылған жағдайларды қоспағанда, конкурстық өтінімдер бар конверттер ашылатын күннің алдындағы үш айдан астам салық берешегінің және бірыңғай жинақтаушы зейнетақы қорына міндетті зейнетақы жарналары, міндетті кәсіптік зейнетақы жарналары бойынша берешегінің жоқ (бар) екені туралы тиісті салық органдының белгіленген нысандағы анықтамасының түпнұсқасы. Егер анықтамада берешек көрсетілген жағдайда, осы берешектің пайда болу мерзімдерін растайтын құжаттар қоса берілуі қажет;

6) броньдау жүйесінде сатылымдар мен ресурстарды басқару бойынша білікті персоналының болуы;

7) бір пайдалануышы сертификаты бойынша басқа авиакомпанияның құрамында құрылымдық бөлімше ретінде тұрақты рейстерді орындаған авиакомпанияларды қоспағанда, тұрақты жолаушылар тасымалдарында ұздіксіз жұмыс тәжірибесінің болуы (кемінде соңғы екі жыл);

8) Қазақстан Республикасының кемінде екі қаласында филиалының немесе өкілдігінің болуы немесе авиабилеттерді сатуға және қайтаруға арналған веб-сайтының болуы;

9) халықаралық азаматтық авиация үйіміндегі (бұдан әрі – ИКАО) тіркелгені және кодтарға ие болғаны туралы күелігінің болуы;

10) тасымалдау құжаттарын электрондық және қағаз түрінде ресімдеуді қоса алғанда, авиатасымалдарды сатудың ғаламдық дистрибутивтік жүйелерінің бірінде орындар ресурсын орналастыру және жүргізуге арналған келісімінің болуы немесе авиабилеттерді сату жөніндегі халықаралық авиа-агенттікпен келісімнің болуы;

11) Халықаралық әуе көлігі қауымдастырының (IOSA) авиакомпаниялардың өндірістік қауіпсіздік аудиті сертификаты бар пайдаланушының бір сертификатымен басқа авиакомпанияның құрамында құрылымдық бөлімшесінде тұрақты рейстерді орындаған авиакомпанияларды қоспағанда, халықаралық әуе көлігі қауымдастыры (IOSA) берген қауіпсіздіктің өндірістік аудиті сертификатының болуы.

3-тaraу. Халықаралық авиамаршруттарға арналған конкурс өткізу тәртібі

10. Уәкілетті орган Конкурс өткізу туралы шешім қабылдағаннан кейін конкурс үйімдастырушысы бұқаралық ақпарат құралдарында және уәкілетті органның интернет-ресурсында конкурс өткізілгенге дейін күнтізбелік 30 күн бұрын, конкурсның қайта өткізу жағдайында - қайталама конкурсты өткізу басталғанға дейін күнтізбелік 15 күн бұрын конкурс өткізу туралы хабарландыру орналастырады.

11. Халықаралық авиамаршруттарда арналған конкурс өткізуді және күеліктер беруді қамтамасыз ету үшін уәкілетті орган өкілдерінің қатарынан құрамы уәкілетті органның бүйрығымен бекітілетін конкурстық комиссия (бұдан әрі – Комиссия) құрылады.

12. Комиссия мүшелерінің саны тақ және кемінде бес адамнан құралады. Комиссияны комиссия төрағасы, ал ол болмаған кезде төрағаның орынбасары басқарады. Комиссия хатшысы комиссия мүшесі болып табылмайды және комиссияның шешімдерді қабылдауы кезінде дауыс беруге құқығы жоқ.

13. Комиссия қатысушылардың конкурстық өтінімдерін қабылдайды және қарайды, конкурс өткізеді және женімпаздарды белгілейді, сондай-ақ қажеттілігі халықаралық авиамаршруттарды бөлу жөніндегі конкурстар аралығындағы кезеңде туындаған авиамаршрутты пайдалану үшін авиамаршруттарды бөлу жөніндегі конкурсты өткізбей халықаралық авиамаршрутқа өтінімдерді қарайды.

14. Комиссия төрағасы, ал ол болмаған жағдайда төраға орынбасары комиссия қызметіне басшылық етеді, комиссия отырыстарында төрағалық етеді, комиссия жұмысын жоспарлайды және оның шешімдерінің іске асырылуына жалпы бақылауды жүзеге асырады.

15. Уәкілетті орган конкурсты өткізудің мерзімдері мен орнын жариялағаннан кейін конкурсқа қатысуға тілек білдіруші авиакомпаниялар осы Қағидалардың 16-тармағында көрсетілген қажетті құжаттарды ұсынады.

16. Конкурсқа қатысу үшін қатысушылар мынадай құжаттар ұсынады:

1) осы Қағидаларға 1-қосымшаға сәйкес конкурсқа қатысуға арналған белгіленген нысандағы өтініш;

2) заңды тұлғаның мемлекеттік тіркелгені (қайта тіркелгені) туралы анықтаманың көшірмесі;

3) барлық қосымшаларымен қоса азаматтық әуе кемелерін пайдалануши сертификатының көшірмесі;

4) сақтандырудың міндettі түрлерінің бар екенін растайтын сақтандыру полистерінің (шарттарының) көшірмелері;

5) әуе кемелерінің паркі туралы мәліметтер (олардың үлгілері, саны, борттық тіркеу нөмірлері, ұшу жарамдылығының қолданыстағы сертификаты);

6) тасымалдау құжаттарын электрондық және қағаз түрінде ресімдеуді қоса алғанда, авиабилеттерді сатудың ғаламдық дистрибутивтік жүйелерінің бірінде орындар ресурсын орналастыруға және жүргізуге арналған келісімінің көшірмесі болуы немесе авиабилеттерді сату жөніндегі халықаралық авиа-агенттікпен келісімнің болуы;

7) авиакомпанияның Халықаралық азаматтық авиация ұйымы (ИКАО) тіркелгені туралы күеліктің көшірмесі;

8) пайдалану сәтінен бастап алынуы болжанатын кірісті есепке алмағанда, бір ай ішінде халықаралық авиамаршрут бойынша ұсынылған кестеге сәйкес ұшуды қамтамасыз ету үшін есепшотта қажетті мөлшерде ұлттық немесе шетелдік валютадағы қаржы қаржатының болуы туралы банк анықтамасы;

9) бір ай ішінде халықаралық авиамаршрут бойынша ұсынылатын кестеге сәйкес жоспарланатын жүктемені ескере отырып, ұшуды орындауға арналған шығыстардың есептемелері;

10) "Салық және бюджетке төленетін басқа да міндettі төлемдер туралы" Қазақстан Республикасының Кодексіне сәйкес төлеу мерзімі кейінге қалдырылған жағдайларды қоспағанда, конкурстық өтінімдер бар конверттер ашылатын күннің алдындағы үш айдан астам салық берешегінің және бірыңғай жинақтаушы зейнетақы қорына міндettі зейнетақы жарналары, міндettі кесіптік зейнетақы жарналары бойынша берешегінің жок (бар) екені туралы тиісті салық органдың белгіленген нысандағы анықтамасының түпнұсқасы. Егер анықтамада берешек көрсетілген жағдайда, осы берешектің пайда болу мерзімдерін растайтын құжаттар қоса берілуі қажет;

11) авиакомпанияның авиабилеттерді броньдау және сату ғаламдық дистрибутивтік жүйелерінде ресурстарды басқару бойынша білікті персоналдының болуы туралы мәлімет;

12) соңғы қаржылық жылғы аудиторлық есеп;

13) бір пайдаланушы сертификаты бойынша басқа авиакомпанияның құрамында құрылымдық бөлімше ретінде тұрақты рейстерді орындаған авиакомпанияларды қоспағанда, тұрақты жолаушылар тасымалдарында соңғы екі жылдағы жұмыс тәжірибесі туралы мәлімет;

14) Қазақстан Республикасының кемінде екі қаласында авиакомпанияның филиалының өкілдігін тіркеу туралы анықтаманың көшірмесі немесе авиабилеттерді сатуға және қайтаруға арналған веб-сайттың болуын раставу;

15) Халықаралық әуе көлігі қауымдастырының (IOSA) авиакомпаниялардың өндірістік қауіпсіздік аудиті сертификаты бар пайдаланушының бір сертификатымен басқа авиакомпанияның құрамында құрылымдық бөлімше ретінде тұрақты рейстерді орындаған авиакомпанияларды қоспағанда, халықаралық әуе көлігі қауымдастыры (IOSA) берген қауіпсіздіктің өндірістік аудиті сертификатының көшірмесі;

16) авиамаршрутта халықаралық ұшулады орындауға арналған ұзақ мерзімді (үш жылға арналған) бизнес-жоспар;

17) конкурсқа шығарылған халықаралық авиамаршруттар бойынша жолаушыларды, бағажды, жүктөр мен поча жөнелтілімдерін тасымалдауды ұйымдастырудың негізгі шарттары мен талаптарын қамтамасыз ету жөніндегі конкурстық ұсыныстар.

17. Конкурсқа қатысу үшін талап етілетін құжаттар бір данада мемлекеттік немесе орыс тілдерінде, тігілген түрде, нөмірленген беттерімен беріледі және соңғы беті заңды тұлғаның (жеке кәсіпкерлік субъектілерін қоспағанда) мөрімен расталады.

18. Конкурстық өтінімде жолақтар арасында ешқандай қойылымдар, өшіріліп жазулар немесе қосымша жазылған жазулар болмайды.

19. Осы Қағидалардың 16-тармағында көрсетілген құжаттар авиакомпанияның атауы мен мекенжайы жазылған конвертке салынып, бастырылады. Содан кейін осы конверт сыртқы конвертке салынып, бастырылады.

20. "Конкурстағана ашылсын" және "Халықаралық авиамаршруттарға арналған конкурстық өтінім" деген жазулары бар конверттер заңды тұлғаның мөрімен (жеке кәсіпкерлік субъектілерін қоспағанда) куәландырылған белгілермен уәкілетті органға бағытталады.

21. Конкурстық өтінім берген авиакомпания конкурстық өтінімдерді тапсырудың түпкілікті мерзімі аяқталғанға дейін өз конкурстық өтінімін қайтып ала алады. Авиакомпанияның қайтып алуы туралы жазбаша хабарламасы, егер оны уәкілетті орган конкурстық өтінімдерді ұсынудың түпкілікті мерзімі аяқталғанға дейін болса жарамды болып табылады.

22. Өз өтінімдерін қайтып алған авиакомпаниялар конкурстық өтінімдерді тапсырудың түпкілікті мерзімі аяқталғанға дейін конкурсқа қатысуға арналған қайта өтінім береді.

23. Конкурсқа қатысуға арналған конкурстық өтінімдерді қабылдауды комиссия хатшысы уәкілетті органның конкурстық өтінімдерді тіркеу журналына (комиссия

хатшысымен қол қойған, нөмірленген, тігілген, уәкілетті органның мөрімен басылған) енгізу арқылы жүзеге асырады және конкурс өткізу күніне дейін бір жұмыс күні бұрын аяқталады.

24. Комиссия осы Қағидалардың 9-тармағында көрсетілген біліктілік талаптарына сай келмейтін авиакомпаниялардың конкурстық өтінімдерден бас тартады және қайтарымға жатады.

25. Комиссия конкурстық өтінімдері бар конверттерді қатысуышылардың немесе құжаттармен расталатын олардың уәкілетті өкілдерінің қатысуымен ашады.

26. Конкурстық өтінімдер салынған конверттерді ашу рәсімі кезінде Комиссия ұсынған тұлғаларға конкурсқа қатысатын авиакомпаниялардың атауы мен орналасқан жерін, конкурстық өтінімді құрайтын құжаттардың бар немесе жоқтығы туралы мәліметтерді хабарлайды.

Авиакомпаниялардың ұсынған жиіліктер саны уәкілетті органның интернет-ресурсында орналастырылады.

Егер конкурс өтті деп танылған жағдайда қатысуышылардың конкурстық шарттары жарияланады.

Конкурстық өтінімдері бар конверттер ашылған күннен кейінгі бір күнінен кешіктірілмей комиссия тиісті хаттама әзірлейді және оған қол қояды.

27. Конкурстық өтінімдері бар конверттерді ашу хаттамасына конверттерді ашу рәсіміне қатысып отырған комиссия мүшелерінің, сондай-ақ комиссия хатшысының қолдары қойылады.

Конкурстық өтінімдері бар конверттер ашылған күннен кейінгі бес жұмыс күнінен кешіктірмей уәкілетті орган:

1) конкурстық өтінімдері бар конверттерді ашу хаттамасының көшірмесін конкурсқа қатысушы авиакомпанияларға не олардың уәкілетті өкілдеріне жолдайды;

2) конкурстық өтінімдері бар қол қойылған хаттаманың мәтінін уәкілетті органның интернет-ресурсында жариялады. Конкурстық өтінімдері бар конверттерді ашу хаттамасында қамтылатын және уәкілетті органның интернет-ресурсында орналастырылған мәліметтер барлық мұдделі тұлғалардың танысусы үшін ақы алынбай қолжетімді.

28. Конкурсқа қатысушысы, конкурсқа қатысуға арналған конкурстық өтінімдері бар конверттерді ашу рәсіміне қатыспаған авиакомпанияларға конверттерді ашу хаттамасының көшірмесін олардың уәкілетті өкілдерінің жазбаша сұрауы бойынша, уәкілетті орган осындай сұрауды алған күннен бастап бес жұмыс күнінен кешіктірмей ұсынады.

29. Конверттер ашылғаннан кейін конкурстық комиссия әлеуетті қатысуышылар ұсынған құжаттардың толықтығын бағалайды және конверттер ашылған сәттен бастап үш жұмыс күні ішінде конкурсқа қатысуға рұқсат беру туралы шешім қабылдайды.

30. Комиссия конкурсқа қатысу үшін қарauғa қабылданған конкурстық өтінімдерді бағалап, салыстырады және мынадай өлшемдерді ескере отырып конкурс жеңімпазын (жеңімпаздарын) анықтайды:

1) халықаралық авиамаршрутта тұрақты авиарейстерді орындаумен айналысатын конкурсықа қатысушы - авиакомпания персоналының біліктілік деректері, беделі, сенімділігі, кәсіби және басқару құзыреттілігі (ұшу қауіпсіздігінің жай-күйі, халықаралық авиамаршрутта жарияланған әуе кемелерін шығарудың орташа жылы, авиакомпания қызметінің қаржылық нәтижелері, тұрақты халықаралық рейстердегі жұмыс тәжірибесі);

2) ұсынылатын қызметтердің сапалық сипаттамалары (әуе кемесінің бортында ұсынылатын сервисті бағалау, авиабилеттерді сату желісінің дамығандығы).

31. Комиссия шешімі ашық дауыс берумен қабылданады және егер оған Комиссия мүшелерінің жалпы санының көпшілігі дауыс берсе, қабылданды деп есептеледі. Дауыстар тең болған жағдайда комиссия төрағасы дауыс берген шешім қабылданды деп саналады. Ол болмаған жағдайда, егер дауыс беру рәсіміне комиссия мүшелерінің жалпы санының кемінде үштен екі бөлігі қатысып отыrsa, комиссия шешімі занды деп табылады.

Конкурс қорытындыларын шығарған кезде комиссия мүшесінің кез келгенінің болмауына дәлелді себептер болған кезде, осы фактіні раставтың құжатты ұсына отырып жол беріледі.

Комиссия конкурс қорытындылары бойынша конкурстық өтінімдері бар конверттер ашылған күннен бастап құнтізбелік жиырма күннен аспайтын мерзім ішінде Конкурс қорытындылары туралы хаттама жасайды және оған қол қояды.

32. Конкурс қорытындылары туралы хаттамаға қол қойылған күннен кейінгі бес жұмыс күнінен кешіктірмей уәкілетті орган:

1) конкурсықа қатысушы авиакомпанияларға конкурс қорытындылары туралы хаттама көшірмесін жолдайды;

2) конкурсықорытындылары туралы қол қойылған хаттама мәтінін уәкілетті органның интернет-ресурсында жариялады. Конкурс қорытындылары туралы хаттамада қамтылатын және уәкілетті органның интернет-ресурсында орналастырылған мәліметтер барлық мұдделі тұлғалардың танысусы үшін ақы алынбай қолжетімді.

33. Конкурс жеңімпазының (жеңімпаздарының) және уәкілетті органның арасында конкурсықорытындылары туралы хаттамаға қол қойылған күннен бастап құнтізбелік он күн ішінде конкурсық жеңімпазы (жеңімпаздары) өзіне ұсынылған конкурстық ұсыныстарды орындау жөнінде міндеттемелерді қабылдайтын келісім (бұдан әрі – Келісім) жасалады.

34. Конкурс жеңімпазы (жеңімпаздары) уәкілетті органмен Келісім жасасудан бас тартқан кезде конкурстық комиссия конкурс жеңімпазынан (жеңімпаздарынан) кейін

конкурстық ұсынысы неғұрлым үздік деп бағаланған қатысушымен келісім жасасу туралы келіссөздер бастайды. Конкурс жеңімпазынан кейін конкурстық ұсыныстары неғұрлым үздік деп танылған конкурсқа қатысушы уәкілетті органмен келісім жасасудан бас тартқан жағдайда, конкурс өткізілмеді деп танылады.

35. Егер Комиссия конкурсты өткізілмеді деп таныған жағдайда, Комиссия бұдан бұрын өткізілген конкурсқа қатысушылардың кемінде екі конкурстық өтінімі ұсынылған халықаралық авиамаршруттарға конкурсты қайтадан өткізу туралы хабарлайды. Қайталама конкурс кезінде, егер халықаралық авиамаршрут бойынша екеуден кем конкурстық өтінім берілсе, Комиссия шешімі бойынша конкурс өткізілді деп танылады.

Қайталама конкурсқа өтінім білдірген жалғыз қатысушы осы Қағидалардың 9-тармағында белгіленген біліктілік талаптарына сәйкес келген жағдайда Комиссия шешімі бойынша жеңімпаз болып танылады.

36. Осы Қағидалардың 9-тармағында көрсетілген біліктілік талаптарына сәйкес келмейтін, қайталама конкурсқа қатысушы авиакомпаниялардың конкурстық өтінімдері бас тартылады және үш жұмыс күнінен кешіктірілмейтін мерзімде қайтаруға жатады.

37. Егер Қазақстан Республикасының заңдарында басқаша қарастырылмаса, Қазақстан Республикасының Әкімшілік рәсімдік-процестік кодексінің 91-бабының 5-тармағына сәйкес әкімшілік (сотқа дейінгі) тәртіппен шағымданғаннан кейін сотқа шағымдануға рұқсат етіледі.

38. Конкурсқа қатысқан авиакомпанияның конкурстық өтінімдерінің сақталуын Комиссия хатшысы қамтамасыз етеді. Конкурстық өтінімдерді сақтау мерзімі берілген күннен бастап үш жылды құрайды.

39. Халықтың әуе қатынасына қажеттіліктерін қанағаттандыру үшін уәкілетті орган қажеттілігі халықаралық авиамаршруттарды бөлу жөніндегі конкурстар аралығындағы кезеңде туындаған халықаралық авиамаршрутты пайдалану үшін авиамаршруттарды бөлу жөніндегі конкурсты өткізбей авиакомпанияға халықаралық авиамаршрутқа куәлік береді.

Пайдалану қажеттілігі конкурстар аралығындағы кезеңде туындаған халықаралық авиамаршрутты бөлу кезінде, авиакомпания осы Қағидалардың 9-тармағында көзделген біліктілік талаптарына сәйкес келген жағдайда, халықаралық авиамаршрутқа куәлік өтінімдер ұсынған барлық авиакомпанияларға беріледі.

Қағидалардың осы тармағында көрсетілген жағдайда авиамаршруттарды бөлу үшін Комиссия өтінімдерді қарайды және құнтізбелік он бес күннен аспайтын мерзімде халықаралық авиамаршруттарға куәлік береді.

4-тaraу. Халықаралық авиамаршруттарға куәліктер беру тәртібі

40. Халықаралық авиамаршруттарға куәліктер Келісімге қол қойылған күнінен бастап күнтізбелік бес күн ішінде конкурс жеңімпазына (жеңімпаздарына) беріледі.

41. Халықаралық авиамаршруттарға куәліктер кезекті конкурс өткізу қажеттілігі туындаған сәтке дейін беріледі.

42. Халықаралық авиамаршруттарға куәліктерде тасымалдау нысаны, халықаралық авиамаршруттар бойынша аптадағы рейстер саны, қолдану мерзімі, есепке алу сериясы және нөмірі көрсетіледі.

Халықаралық авиамаршруттарға куәліктер осы Қағидаларға 2-қосымшага сәйкес нысан бойынша беріледі.

43. Халықаралық авиамаршрутқа куәлік қатаң есептіліктегі құжат болып табылады.

44. Халықаралық авиамаршрутқа куәлік иеліктен айыруға болмайды және басқа авиакомпанияларға берілмейді.

45. Бір халықаралық авиамаршрутқа бірнеше куәлік берілуі мүмкін.

46. Уәкілетті орган авиакомпаниядан халықаралық авиамаршрутты пайдаланудың мынадай шарттарын орындаған жағдайда халықаралық авиамаршруттарға куәлікті қайтып алады:

1) авиакомпанияның ұшу қауіпсіздігіне қатер төндіретін жағдайларды және (немесе) еңсерілмейтін күштің салдарын қоспағанда, халықаралық авиамаршрутты пайдаланудың басталған күнін, белгілі бір уақыт кезеңінде тұрақты рейстердің белгіленген санын орындауды және әуе кемелерінің халықаралық авиамаршрутта кестеде белгіленген типтердегі және (немесе) сыйымдылықтағы пайдалануды қамтитын кестені сактауы;

2) Қазақстан Республикасы қатысушысы болып табылатын әуе қатынасы туралы халықаралық шарттарға сәйкестігі;

3) авиакомпанияда бекітілген кестеге сәйкес бір ай ішінде болжамды кірісті есепке алмағанда, тұрақты әуе тасымалдарын қамтамасыз ету үшін қажетті қаржы қарожатының азайтылмайтын резервінің болуы.

47. Авиакомпаниядан халықаралық авиамаршрутқа куәлікті қайтып алған кезде куәлік конкурстық ұсынысы соңғы өткізілген конкурс жеңімпазынан (жеңімпаздарынан) кейін үздік деп танылған конкурстың басқа қатысушысына беріледі.

48. Халықаралық авиамаршрутқа куәлік қайтып алынған кезде уәкілетті орган авиакомпанияға куәлікті қайтып алу туралы хабарлама жібереді.

49. Халықаралық авиамаршрутқа куәлік уәкілетті органның интернет-ресурсында қайтып алу туралы ақпарат орналастырылған күннен бастап күнтізбелік он бес күн өткен соң қайтып алынған болып саналады.

50. Егер Қазақстан Республикасының заңдарында басқаша қарастырылмаса, Қазақстан Республикасының Әкімшілік рәсімдік-процестік кодексінің 91-бабының 5-тармағына сәйкес әкімшілік (сотқа дейінгі) тәртіппен шағымданғаннан кейін сотқа шағымдануға рұқсат етіледі.

Жолаушыларды, багажды,
жүктер мен почта
жөнелтілімдерін тасымалдау
жөніндегі қызметтер көрсету үшін
халықаралық авиамаршруттарға
арналған конкурс өткізу және
авиамаршруттарға күеліктер
беру қағидаларына
1-қосымша

Отініш

тасымалдау маңсатында
(тасымалдау объектілері көрсетіледі)
халықаралық авиамаршруты бойынша
(халықаралық авиамаршруттың атауы)

тұрақты авиарейстер орындау құқығына арналған конкурсқа қатысуға сұраймын.
Ұйым туралы мәліметтер:

1. Меншік нысаны _____
2. Құрылған жылы _____
3. Занды тұлғаны мемлекеттік тіркеу туралы анықтамсы

(нөмірі, кім және қашан берген)

4. Банктің деректемелері _____
(есеп шот нөмірі, корреспонденттік есеп шоттар,

МКҰ, БСН, банктің атауы мен орналасқан орны)

5. Занды мекенжайы және басқа да деректемелер

(почталық мекенжайы, телефоны, телекоммуникациялар, телеграфтық

және телефондық шақыру белгілері, ИКАО, ИАТА, СИТА, АФТН кодтары)

6. _____
(кәсіпорынның бірінші басшысының ТАӘ (бар болған жағдайда))

7. Қоса беріліп отырған құжаттар _____

Кәсіпорын басшысы: ТАӘ (бар болған жағдайда)

Мөр орны (бар болса)

Отініш 20__ жылғы "___" _____ қарауға қабылданды.

Аббревиатуралардың толық жазылуы:

ТАӘ - тегі, аты, әкесінің аты;

ИКАО - Халықаралық азаматтық авиация ұйымы;

ИАТА - Халықаралық әуе көлігінің қауымдастыры;

СИТА - Халықаралық авиациялық электр байланысы қоғамы;

АФТН - авиациялық белгіленген электр байланысының торабы;

МҚҰ - микроқаржы үйимы;

БСН - бизнес-сәйкестендіру нөмірі.

Жолаушыларды, багажды,
жүктөр мен почта
жөнелтілімдерін тасымалдау
жөнінде қызметтер көрсету үшін
халықаралық авиамаршруттарға
арналған конкурс өткізу және
халықаралық авиамаршруттарға
куәліктер беру қағидаларына
2-қосымша

Қазақстан Республикасының

Мемлекеттік Елтаңбасы

ХАЛЫҚАРАЛЫҚ АВИАМАРШРУТҚА КУӘЛІК

(занды тұлғаның толық атауы)

жолаушыларды, багажды, жүктөр мен почта жөнелтілімдерін тасымалдау
(тасымалдау объектілері көрсетіледі) мақсатында

халықаралық авиамаршруты бойынша

(халықаралық авиамаршрут атауы)

жиілігімен (аптасына рұқсат етілген рейстер саны)

тұрақты авиарейстерді орындау құқығы берілді.

Халықаралық авиамаршрутқа куәлік берген мемлекеттік орган

(куәлікті берген мемлекеттік органның толық атауы)

(уәкілдегі органның лауазымды адамының немесе ол уәкілдегі берген
адамның тегі, аты, әкесінің аты (бар болған жағдайда) және қолы)

Куәлік берілген күн: 20 жылғы " "

Куәліктің қолданылу мерзімі: 20 жылғы " " дейін

Куәліктің нөмірі №

Астана қаласы

© 2012. Қазақстан Республикасы Әділет министрлігінің «Қазақстан Республикасының Заңнама және
құқықтық ақпарат институты» ШЖҚ РМК